



Sahabat Alam Malaysia
Friends of the Earth Malaysia
For Environmental Justice

1, Jalan Joki, 11400 Penang, Malaysia
Tel No: +604 827 6930
Fax No: +604 827 6932
Email: foemalaysia@gmail.com
<https://www.foe-malaysia.org>

Kenyataan Akhbar

25 Ogos 2020

**SAM menyokong cadangan KASA menghentikan sementara
pentrakan babi di Kampung Selamat, Tasek Gelugor**

PULAU PINANG: Sahabat Alam Malaysia (SAM) menyokong cadangan pihak Kementerian Alam Sekitar dan Air (KASA) supaya operasi penternakan babi di Kampung Selamat, Tasek Gelugor dihentikan untuk sementara waktu.

Ini adalah cara terbaik bagi menyelesaikan masalah pencemaran alam sekitar yang tiada kesudahan ini, yang telah menjejaskan kesejahteraan penduduk serta orang ramai di sekitar kawasan terbabit untuk empat dekad.

Pihak berkuasa tempatan dan jabatan-jabatan yang berkaitan seharusnya menyokong tindakan tegas yang dicadangkan oleh pihak KASA terhadap para penternak sehingga mereka akur untuk melaksanakan sistem sifar pelepasan dan tidak melepaskan najis secara langsung ke dalam sungai.

Isu pencemaran ini tidak boleh dipandang ringan lanjutan daripada kesan negatif yang berpanjangan. Malah kesan buruk bukan sahaja terhadap tahap kesihatan dan kesejahteraan manusia bahkan terhadap kualiti tanah, udara dan air.

Penguatkuasaan tegas perlu diambil oleh semua agensi yang berkenaan bagi melindungi alam sekitar. Sekiranya pencemaran ini tidak dibendung ia akan menjejaskan reputasi negeri Pulau Pinang yang selama ini memperjuangkan slogan “Cleaner, Greener Penang”.

Justeru tindakan dan cadangan oleh KASA sangat bertepatan dengan situasi yang berlaku dan kami menyokong cadangan menghentikan sementara operasi ladang penternakan babi di Kampung Selamat demi kelestarian alam sekitar dan kesejahteraan rakyat.

Meenakshi Raman
Presiden
Sahabat Alam Malaysia